



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六六四

悔餘菴詩稿十三卷悔餘菴文稿九卷悔餘菴樂府四卷餘辛集三卷

衲蘇集二卷 何 棧 撰

空青水碧齋詩集十三卷補遺一卷空青水碧齋文集八卷 蔣琦齡 撰

悔餘庵詩藁

同治乙丑仲夏
乘於鳩江歲杪

悔餘菴詩稿

悔餘菴詩稿目錄

- 卷一 古今體詩六十八首
- 卷二 古今體詩九十八首
- 卷三 古今體詩九十八首
- 卷四 古今體詩一百三十九首
- 卷五 古今體詩一百三十四首
- 卷六 古今體詩一百三十四首
- 卷七 古今體詩五十三首
- 卷八 古今體詩一百四十四首
- 卷九 古今體詩一百六十三首
- 卷十 古今體詩七十二首
- 卷十一 古今體詩一百三十首
- 卷十二 古今體詩八十五首

悔餘菴詩稿目錄

牛就賢
藏書

古今體詩一百一十一首

懷餘春詩稿目錄

辭歌

懷餘春詩稿卷一

江陰何斌廉昉

古今體詩六十八首

甲午至戊戌

哭六姊

原作約百首今記其十

廿五年來謫謫宮絕塵本有道家風十分心血消磨盡半在詩中半病中

細雨斜風送出門當時氣色黯銷魂枕中詩在頻揮淚不辨新痕與舊痕

壓折天桃一夜霜淒然何以慰高堂可憐老父家書到三日前猶寄藥方

千里迢遙竟未知病身總仗藥扶持異時家信頻仍寄猶恐慙慙問六兒

懷餘春詩稿卷十

牛成淵藏書

姊妹花開總不離此番相見更無期瓊花本是瑤臺種王母來收第六枝

神鍼自繡嫁衣裳誰料榮煌歷廢裝人世因緣三十日抵他牛女卅年長

分手匆匆一月纔尼行無奈瘡爲災不堪敘瑟傷心語七弟如何竟不來

慧業天生酷愛詩四聲翻以弟爲師嘔心佳語流傳偏始信癡心不是癡

瘦秋詩集有遺聲鶴背珊珊瘦骨輕卻被世人知姓氏前身可是許飛瓊

七字纏綿伏枕吟燈前鬼氣已森森一編不忍頻翻讀疑有鍼芒會刺心

姊出閣後於杭州得雨思親適句云燈影試殘風白冷淚珠還比雨珠多子詩其詩有鬼氣不祥之兆

畫絕
筆也

丁酉春二月十九日汪北魚 錢蔭湘 維德 借錫山
孫子飛見狂招遊君山梅花書院別後北魚以詩索和

即大原韻

書院為家大人
修齊五松始廣工

種梅三百樹泉石凝餘韻風流在吾黨肯使蘇公獨春寒
展與豪卧不服峰仍江上青嘯鼓湘靈曲指客得三人行歌來
不速聯步入翠微擺脫塵羈束洗此雙瞳光一瀉江水漾關若
沁芳泉園坐聘幽鵬韻事屬汪倫豪吟動成牘錢君好手談情
未攜棋局狂招孫子荆漱石枕飛瀑我與山為鄰遊山我最熟
忘形談笑隨風唾成玉空青灑衣袂松濤萬斛徘徊不能
去選石踞巖腹自匪屈靈均敢笑人皆濁醫俗乏靈丹孤懷抱
元選昂首一長嘯驚起蛟龍伏逸情與雲上不受風靈礪長揖

悔餘菴詩稿卷一

二

謝詩

謝青山將乘牛渚舳舻漢分天章攜向人間讀歸當此痛飲江
波釀醪得句問山靈驚得山靈哭鏗然沈暮鐘起視扶桑緣
梅花耐寂寞不款師雄徇行行送客歸足音寄空谷

過汪北魚香南齋時攜琴僧墨隱畫史吳冠英遊大小

石灣久待不歸賦此卻寄四首

一庭花木半牀書省識詩人小隱居種桃有田娛靖節時北魚
令祖海

車報道人遊未倦春山載酒樂于子

海嶽搜尋小洞天桃花迎笑識詩顛展宣靈運驚山賊琴撫成
連續水仙緇白談禪參馬蹋丹青寫本待龍眠只愁采藥迷歸

路飯熟胡麻定有緣

香南齋裏坐逡巡觸目琳瑯色色新開闢謨觴輸此境摩挲端

悔餘菴詩稿

視比斯人詩文磊落難為敵金石煥煌信不貧莫羨瑯嬛稱福
地一牆便已隔紅塵

到家剛是月來時拌破山靈笑客癡今雨長吟杜陵句春風偷
讀竹龍詩北魚別號
竹龍居士夢中高惠應知路別後汪倫定有辭更約
尋花謀一醉莫教零落碧桃枝

汪大

買舟載酒約為承敬之遊遇雨不果

桃花一笑春風顛花中疑有天台仙天台仙子舊相識笑闌紅
塵二十年紅塵夙負看花債見花時下元章拜平生手蠟屐一
雙踏破三千花世界汪倫情比花潭深沽春不惜雙南金清溪
曲曲通香國桂楫蘭橈約放吟一春三月半風雨風風雨雨春
無主鳩鵲鳴喚不可聽有情終覺天難補補天何術駐春光迎
春送春飛燕忙重簾不隔燕來去胭脂溼染烏衣香風吹斷

悔餘菴詩稿卷一

三

謝詩

香溪路詩狂久受東皇如南陽高士仙緣慳不敵溪頭老漁住
漁舟款乃自聲鶯花落如何載酒行憶花空有尋花夢終負汪
倫一往情情深聊向詩中說詩成卻奉花神閱花神寄語勸諸
君相思莫嘆笑囊血

大北魚見贈原韻

君能仿古我翻新著手平分兩樣春彝器追摹三代物詩龜供
養六朝人性情本不拘成格山水如何受俗塵更築糟臺把雙
杓白衣莫遣往來頻

偕汪北魚

諸子登君山梅花書院試龍井茶書院
為書院

縑衣萬斛塵蕭蕭與山靈見十日不登高眼界小如線今赴故人
招又覩山靈面手攜龍井雲烹泉學老戰茗香泉復甘詩意胸

三三

中鍊長天展雲藍光掩溪簾豔孤塔對搖筆澄江供洗研吟成
莫久坐久恐滄桑變我來山如迎我去山如戀游思落天外餘
霞飛片片

天女散花圖

禪和守枯寂學佛外門徑自我有眼鼻即與色香競不隨歡喜
緣安得清淨境天女來何從空中立腳定臨風一指揮花起因
風迅一花初迴翔千花相掩映千花如一花花見佛性有花
是因緣無花乃究竟眼鼻於色香如影在明鏡又如月在水如
寄亦如贈如是現身說若爲點頭聽

題終南進士圖

電光睽睽搖雙瞳虬髯爽生秋風綠袍襯紅革鞵藁此是終
南進士公終南血石千秋紫名經一捧英雄死方千便受黃麻

梅餘舊稿卷一

四

牛歌圖

封不才難雪生前恥三尺龍泉風夜吼大鬼狂跳小鬼走半生
抑鬱不平氣不能殺人乃殺鬼榴花紅照菖蒲綠一尊拜爵中
山蘇雄心九死尚擎雲卓午天庭吐光旭

書號舍二首

又作封侯夢黃粱飯熟不佞懷吳市丐踟躕楚冠因妄想紗遮
眼難堪屋打頭淒然風露下更鼓動層樓
依樣胡盧畫文章誦墨豬字形訛伏獵夢境斷華胥掃禿生花
管揮殘帶草書三條官燭盡得失意何如

秦淮雜詠八首

舞謝歌臺處處新水雲爲界月爲鄰平分虎踞龍盤地半著鶯
愁燕惱人鏡下芙蓉占及第門前楊柳解藏春秋心寄與文波
綠客到青溪喚渡頻

金碧樓臺繪六朝祇今秋夕勝春宵三更燈影搖歌舫十里脂
香膩畫橋甲帳鎖雲誰夢熟丁簾鉤月總魂銷秦箏趙瑟東西
是小字何從記楚艷

紅闌十二記西家水榭風廊認已差燕子窺妝頻入幕鸚哥解
語嗔呼茶停棹是處迎桃葉倚枕何人夢榜花祇爲朱顏輕一
笑涼蓬鎮日弄橫斜

花榜泥金署兩楹姑蘇字樣注分明能消六代英雄氣漫博三
生薄倖名紙扇爭題名士款瓊簫偷送美人聲眼中自分因緣
淺卧聽笙歌到五更

賣花人唱夜來香各自悲關關晚妝何惜揮金徵北部儘教
玉倚東牆輕迴響屢迎歡悄私解明璫送別忙我有閒情消不
得斜風細雨耐秋涼

繡戶迎風徹夜開柳枝無主繞章臺朝添十斛青螺價暮燼千
條絳蠟灰蓬梗最憐人老去桃花應笑我重來酒酣厭聽紅牙
拍鐵板銅琶唱一回

板橋何處媚香樓零落桃花扇底秋月落更無圓缺相水流不
盡古今愁雙鸞學舞羞明鏡五馬思歸典敝裘寄語烏衣諸子
弟漫隨梁燕踏簾鉤

絕代蛾眉淡掃難衣香髻影太珊珊熱腸只要黃金買冷眼難
當碧玉看夢裏生涯魂易斷空中色相指誰彈風流自合推江
左絲竹東山有謝安

雨花臺

梅餘舊稿卷一

五

牛歌圖

屣脫河山奉釋迦甘將袈裟易袈裟座中荷荷曇雲散郭外蕭
蕭夕照斜四百樓臺多宿草三千世界盡空花登臨莫問興亡

事未亭前賦楚些

莫愁湖

畫圖依舊寫眞湖上樓臺幾度新靜與山光清與水瘦宜秋色
淡宜春南朝那得埋愁地北里猶多賣笑人小住卻依雙海
燕鬱金堂裏話逡巡

清涼山

蒼茫獨立翠微亭眼底嵐光繞青松頂雲盤飛鶴住竹叢風
嘯卧龍醒買山可惜山無主拜佛都應佛有靈坐對莫愁湖水
看藕花香裏一舟停

隨園

一碧檀欒畫欲昏半依城市半依村直從仙佛爭山水能使文
章護子孫似續已流三世澤太史後人居此已三世矣聲名長駕五侯門清

悔餘菴詩稿卷一

六

辭賦

才分合遼清福我願天池洗鈍根

燕子磯

虎踞龍蟠地偏容燕子飛前朝如逝水終古此危磯亂石和雲
墜遙湍誤雪霏松間危坐久空翠溼征衣

金山

四百南朝寺樓臺此獨深江山千里目笠屐一生心塔險扶雲
立鐘寒抱月沈中冷清欲絕爲我浣塵襟

戊戌上元日計偕北上賦此

唱起驪駒送別聲梅花明月滿江城雲山莫復回頭望塵海從
今放膽行鑄我有爐憑造化牽人如線是功名本來身世同棋
局此日初開第一枰

十一月又三日蔭湘招飲於紫薇花館同人卽席賦詩

分天涯誰是酒同僚詞句爲韻得僚字

龍華驚讀羣仙曹風流雲散誰爲招紅塵十丈落人海蓬廬天
地浮生僑芙蓉江頭巨奇氣山涯水涘開詩寮疎星落落幾知
已旌旂對舉詞壇高登壇抗手執牛耳可以凌輶風與騷雄心
傲骨兩不讓分疆畫界稱人豪翰墨因緣有神契高情奔軼雲
霞交琴臺老腕數徵召三日不見思鬱陶天寒雲懶欲釀雪離
書孤坐殊無聊輟吟不覺食指動紫薇花館伴來邀衝寒健步
出門去行腳有如僧打包登堂不作揖拜禮主人客子皆逍遙
清談捉麈少延宕相如後至鄒枚驕須臾展席列華簋杯盤絡
繹修家有將軍此腹豈負詩腸寬可千鍾灑虎頭食肉擅奇
相清饒暫學鬚蘇髯低斟淺酌不稱意侏儒一飽空君庖狂奴
故態勃如作毋戰突與羣雄磨沈酣痛飲不知暮爛兮紅燭雙

悔餘菴詩稿卷一

七

辭賦

高燒破除舊例出酒政森森軍令監通逃橙黃橘綠檢詩料奇
思迸入霜鏡毫八又妙技久純熟彈丸脫手如宜僚縱橫筆陣
掃樓弱爭以後勁丁前矛長城卓立鐵如鑄攻堅直使偏師撓
千鍾百鍊擣奇傑殘盃盃閣中山醪對酒欲醉不得醉搖搖坐
斷詩人腰岸然擲筆笑而起凌霄吐氣虹如橋詩城佳境各自
領朗吟不許攙喧囂隨風唾珠玉自然天籟諧笙簫詩狂
酒狂兩無敵醒狂更欲追寬饒停杯啜茗興未已後期又指梅
花梢人間極樂不多得清福要與吾儕消吾儕供養只此足有
酒一韻詩一瓢可情名韞苦拘縛燕臺促我驅車勞行將揮手
別鄉邑關山千里吟鞭敲人生離合本無定因風聚散如浮藻
諸君幸各負奇偉珠光劍氣誰能韜何當聯袂踏風去大羅天
上和雲韶

題北魚綠梅下詠詩圖

寒香壓詩骨花柔輕於棉堅瘦一枝筆寫破彤雲天筆所未到處疎影爲之填微吟奇孤寂驚羅浮仙靜悟不可說笑拍朝雲肩

題程曉亭真女詩稿

天豈蛾眉忌文章厄華塵心艾碧草詩骨斲瓊花雲奪迴文錦風生步障紗一持冰雪卷直勝捧黃麻

舟次召伯埭趙春畦大有秀才畱飲席間贈趙小莊

千戶一首

百尺樓頭踞此身千秋湖海屬斯人陳登自昔爲豪士汲黯於今是懸巨擲地飛聲詩句健倚天吐氣劍光新狂歌不惜從君醉一洗胸中十斛塵

懷徐春詩稿卷一

人

辭謝

滿江紅是岳家詞競病吟成亦我師對酒不知賓與主揮毫眞覺畫皆詩破除壘塊歌三疊推倒英雄筆一枝可惜風塵相見晚不堪春樹動離思小莊能書工八分書法奇逸酒後歌過聲以筋加盤和之妙合宮徵絕技也

贈趙春畦

結客場中宿有聲酸鹹嗜好最分明雙南直欲摹詩佛三北何曾避酒兵肝膽向人惟古道性情於此見生平他年倘翦窗前燭掃榻京塵話舊盟

邳州道中作

直自南天到北天客程那復計三千名心未淨爭先路做骨禁磨趁少年入世有情皆眷屬出門無病卽神仙趨庭不作離家想一望燕雲一快然

圯橋

一擊倉皇中副車少年意氣太粗疎通靈獨有能言石歷劫猶存未燬書千古韜鈴今闕佚五更風露我踟躕往來不見飛鳧落留意橋邊野老居

望芒碭山感漢高帝事

蒼茫雲氣隱芒碭逝水功名逐鹿忙三尺劍非無與敵一杯羹幸未曾嘗韓彭忍使陳稀誤平勃陰爲呂雉防慷慨歌風兩行淚英雄難免笑耶當

燕太子丹墓

荆卿報知已太子死社稷咄哉樊將軍頭顱眞可惜事成不成誰得知祖龍之魄爲爾礙君不見圯橋孺子帝者師當時乃有博浪椎

禮闈被放自遣

懷徐春詩稿卷一

九

辭謝

十載功夫比靈魚鳴珂慚愧故人屠文章奮命原難事收拾名心補讀書

贈同年生姑蘇馮林一桂芬二首

蘇家豪俊米家顧醫俗能令骨亦仙人與奎光同一謫我望劍氣已三年下風甘作低頭拜今雨新畱把臂緣始信文章有神契天涯相見倍拳拳

芙蓉江上理詩筒記與湘靈和曲工尊酒未經陪北海瓣香久已屬南豐手神絕世癩如鶴意氣凌霄得巨若虹十載名場無一當榜花獨幸與君同

寄荅仰華齋

北魚

初春贈別三章

無味乃至味無香乃眞香清冷一勺水釀之成酒漿春風香然來百卉爲之芳本來抱生趣英華非濫觴古人任性情重樸輕

文章所以君子交淡極情彌長

雅俗既殊尚藻鑑相浮沈迥才望吾黨扶輪誰與任古調日淪落宮商若可尋鳴絃急索解安得真知音式好不相見同苦常

異今生有傲俗骨而無輕世心

予生苦椎魯腹儉心殊著汲古乞芳潤應酬百家智慧日以長養心如養花葆此方寸地無使毫釐差為薰勿近舊為蓬當近麻努力各自愛學海茫無涯

竹柏軒圖為陳母楊孺人賦

繫膠水之名軒兮交竹柏以為陰竹則有節兮柏則有心不改柯而易葉兮貞匪石而堅匪金而有時而鑠兮石有時而爛乃真氣之蟠結兮薄虹霄而不散維有媽之賢女兮為宏農之淑媛生世之不辰兮周嘉蔭於椿萱幸鳩居之可藉兮將鳳卜之

悔餘菴詩稿卷一

十

蘇音

是論父吾舅而母吾姑兮願何色笑於晨昏嗟塵劫之未有艾兮絲方繫而忽斷何此鏡之易破兮矧君牀之未暖君有二人兮妾無二天終君之擔兮始妾之肩妾為婦兮婦為女慰存住兮同室處奉栗主以成禮兮愴幽靈其相許薦修禱而必潔兮茹冰蘖而不辭冀瓜綿而椒衍兮撫猶子以比兒伊苦心之誰亮兮上碧落而下黃泉篤女之貞於十七歲兮完母之節於七十年噫呼乎柏有子兮竹有孫苾苾葉兮如生存貞珉嶽嶽兮高不可捫輝煌綽楔兮旌其門望佳城兮陽山之陽閭清徽於不朽兮播芳風於未央如山之高兮如水之長斯之以百年之伉儷兮報之以千祀之馨香願斯圖之永寶兮子孫世守而勿忘

贈姑蘇楊雲亭 定夫 一首

無端萍水教相逢對酒同澆磊塊胸千里壯心追老驥一生豪氣壓元龍熱腸祇恐絲難繡俠骨能令鐵不銹人海如君知有幾風時修竹雪時松

方寸心如露月明照人肝膽見生平拏舟膠水初相識翦燭巴山其此情盡醉但餘三葉量司香能記百花名槎枻芒角胸中吐對楊高談盡五更

驚絃集為無錫錢友三 慶會 秀才題

鏡破不復圓琴碎何堪撫錢生一寸心乃為愁所府情天忽然裂鍊石不能補永夜泣鰥魚抱恨將終古豈期三載中兩見曇花吐我讀驚絃詩淒斷如何譜因詩見君心心比蓮的昔昔聞月下人手續因緣簿式好諧鳴琴再世期相許合歡與獨念永言堂背樹錦瑟絕離聲玉環銷識語皆無故目益珍重繫絲

悔餘菴詩稿卷一

十一

蘇音

時締之長命縷

秋燈竹屋圖為姑蘇張節母賦

形管揚芳徽載筆誰之責鯁生蓄柔翰將以銘潛德清河湖女宗閭儀徵靡忒如何並蒂花心苦不成苗葛藟紫南樛燕蘭夢始入方間公鳳鳴遽折文驚翼嬌孤靡所依饑寒矧相逼竹屋聲搖搖支離如欲折秋燈光熒熒慘淡若將熄當軒機杼聲中宵鳴唧唧投梭起長歎風雨為之泣松柏節逾勁桑榆景何迫眷言報春暉寸草心彌惻及今溯芳儀音容渺難即想像復描摹淚和慈孫墨清冰一片心祇愁傳不得

為邢節母張孺人賦

芳華散塵劫不朽安可卜清節左霄漢靈氣往而續城南古路隅貞珉光嶽嶽亦文儷綠字風雨不敢剝摩挲一再過使我衣

冠蕭摘詞托形管太息誌邦淑女也生清門閨儀幼嫻熟追其
嬾邪侯風琴調古樂六載叶和鸞一朝淒寡鵲生死此時難迴
腸如轉轂上有白髮親無子親誰屬下有黃口兒無父兒誰育
從死夫心傷孤生妾心惡強起侍親顏含酸課兒讀艱辛廿八
載完此傷心局青冥何魂魂奪齒乃予角金石永之壽琴瑟慙
其福芳風播鄉邑可以振頽俗冰雪含清暉千秋照江曲

題江右魯敬丞上舍小影

魯侯卓犖人中雄傲骨不爲塵羈籠人間閱歷三十載棧枒磊
塊填其胸江湖滿地溢苦海風其吹汝如飄蓬百年身世半離
別寸心乃積愁千重牢騷恣意一揮手五絃彈破紅塵紅平生
本非善琴者按譜不知商與宮一彈再鼓入天籟超以象外仍
環中指頭盤屈鬱奇氣我知安道非伶工

悔簪詩稿卷一

十二

中微圖

爲友人題照

畫正偏二相
於松下對弈

泉石煙霞到處奇也如形影不曾離松風夢想三層閣桑海蒼
茫一局棋擎劫尚餘仙骨在結緣惟與化身宜眼前境界都清
徹明月梅花更屬誰

規李笛源

入世難尋避債臺柳車遮莫送窮來天涯何處無青眼不爲金
多未肯擡

不到書牕不放乾縱橫豪氣酒杯寬醉中便露狂奴態須要防
人冷眼看

情太繹綿骨太柔可堪到處說風流廣平不是心如鐵賦到梅
花便買愁

孤行端不藉人扶七尺原非小丈夫眼底無花胸有竹呂端大

事不糊塗

送祁幼章太史赴都二首

風塵一月逐輪蹄金石盟從客路締雅誼相爲酬緜緜深情曾
不判雲泥時其仲兄清甫先生視學江南聯牀話結忘形契畫
去秋給假赴署予因偕之旋里壁詩拈得意題天上神仙勞想望分光今許近青藜
眉山家世是文章棣萼分流翰墨香紅杏詞名驚小宋青蓮才
調奪初唐池塘人夢研思熟花木逢山索句忙攜我江南名勝
去幾多風物在詩囊

北征百韻

我生江以南福地於焉宅胡爲遠道行忽若游仙謫長途跨三
千小劫羅五百關河正以眺叱咤嗟于役瞻望戶庭遠周旋形
影隻感別腸已寸封侯面非尺功名誤懶人風雨欺生客回首

悔簪詩稿卷一

十三

中微圖

觸離悵於眈迷去迹峰沈江上青水渺淮南碧九曲度長河重
來循古驛輶迹錯錯絲絲鞭聲微裂帛簾揚糠粃同顛倒衣裳亦
伏蟬晦明消開帝泥沌判颶寒雙手戰泥滑四蹄蹙宿雨溢荒
蹊沈沙靈斷續大力托扶輪小心防折軋跬步方艱辛前驅又
險僻路經山左山局變奕秋奕運旋我如棋而驚人豈壁壘成
吳興泥跌碎曼卿石輪掀霹靂飛鸞偃灰埃積噴帝鼻沙撈撞
耶頭捧擗帽簷整復歪襪線縫旋旋磨穿袴襪鼻裂碎孤裘腋
藏垢蝨可捫走險難難擇蚶蜆罔伏龍則勇峰攢戟磨蟻噬盤
旋輟駒苦踣踣百折歷蠶叢千盤接覺釋海岱自終古魯齊非
夙昔望氣潮文明聞聲恣橫逆朝三詐挾担夜半嚴防避客舍
奸相因女問徹未革妝慵婦髻推貌貌癯癯蜂蟻鳩形豈易羣
語殊難譯城郭隱巖阿室家蕭索隙穴冥鳥鼠同市鮮魚蝦易

馬勃兒僮爭牛鬪居處迫札闌土風沿勒碑文字雙瓦鱗粉籍
紳石齒傲籬欄山居皆疊石編得遠矣也危牆簇新蕭苦井流
鹹渴膏梁百室盈聚棗千園闌村荒樹匪楊寺破枝糾柏天棘
就披離地瓜羣採摘土人呼山驅寒熟木皮墾土逃租額新山田
輪祖者皆不栽蔬滋鬱蔥執黍偏磽瘠彼居甘若薺我往苦猶樂過
午始休呼庚方嘖嘖飢死嘲憂情瘦生憐太白加餐詩漫題
乞米帖難獲粥忘單公諱穀羨雷侯辟吻已等鴟張腹難謀鼠
碩不乃薦塵羹來其調冷炙雞肋雞酸鹹豚肩劇脯腊登盤耽
虎視投箸委狼藉湯憑綠豆澆餅當紅綾壁斟茶色味渾積炭
燐光射垣衣壤孰搔塗壁疵堪擗孤吟亦惱公強醉非歡伯燈
看斗室明壁印旗亭畫解顏青眼垂按曲紅牙拍露草漫脚蹣
風花深惋惜絲麻廢女紅絃索調公亦當歌怨不辰獨寐愁何

梅餘菴詩稿卷一

十四

牛飲風

夕泥沙撲枕衾藉程編茵席風析五更喧月輪千里隔一自燕
辭巢雨經蟾吐魄名心半欲灰歸夢全難索披衣護背寒束帶
知腰瘠木強手頻又冬烘頭可責重裘何能蔽疊絮猶稀給驚
寒馬戀棧報曉雞昂憤疑眠僕墜鞭狂跳僮墜鳥口號厭喧庭
腰纏防棄擲惶恐出層嵐歡愉馳廣陌路笑魏三熟威驚滕六
赫躡雪畏遠巡聽冰疑躑躅先路輪劉現窮途誤阮籍望闕音
非遙趨庭憂始釋六時生吉祥一切度苦厄塵息道途蹇室承
言笑啞傳經課圖史視膳修有核竹報署平安萱顏滋悅懌自
經行路難益念承歡劇北月正依依南雲殊脈脈三春有寸心
兩願無長策輾轉腸如輪徘徊心匪席將藏霧豹斑且展風鵬
翮初懷答蓬矢夙願酬蘭掖桃李結新陰煙霞痼癖春申指
故都揚子乘歸汐江蘊一釣竿巖桂雙遊展忻隨杖履旋快賦

田園適于以菽稻梁因之辨菽麥安排燕寢飭檢點免園冊入
室情融怡峯嶂語促刺靈椿葆華滋慈竹絲枝格詩因棣萼展
頌亦栽花撫眞誇我室馨肯厭吾廬窄天涯倦且休人海勞何
益行樂當及時懷哉詞無數

梅餘菴詩稿卷一

十五

牛飲風

梅餘菴詩稿卷一終

悔餘菴詩稿卷二

江陰 何 忒 廉昉

古今體詩九十八首 戊戌至辛丑

戊戌秋八月偕祁幼章 宿漢

吳和甫 存義 葉庚亭 賢錫

三太史出都庚亭以瘡卒於雄縣旅次當時曾料理之

今歸殯矣過而感賦

歸殯淒其泣倚閭重來感舊愴何如浮生始信同滬鳥仙字真
能化蝨魚長吉妙才天亦愛少陵奇句鬼難驅遺文料理還君
處惟望歐陽讀父書

題同年生涇縣吳少錢 崇壽 小影

春水釀醪齊州多酒泉還將變滄海墾之爲秫田我欲築糟
臺高躋華岳鎮靈境拓千古古人來我前相如願滌器文君工

悔餘菴詩稿卷二

歲書 牛成閣

數錢北海召賓友東山攜管絃劉伶荷鍾來阮籍當壚眠尚書
方中之吏部已頽然山公日浮拍陶令時流連狂呼杜陵老舉
手招八仙署門擯俗客投轄嬉羣賢左挹釀王袖右拍鞠生肩
安知獨醒人睥睨笑我顛今我旅京邑乞米猶遷延一醉不終
日一醒恆經年長安多酒家何必無青蓮仍當就君飲一舉累
十千花月自然好湖山應有緣何時巨靈掌闢此壺中天胸中
九雲夢吐爲霞與煙

送薛靜山 永年 旋里四首

身世何從問碧翁莫將頭腦笑冬烘張王李趙多名下沈謝曹
劉豈暗中十載功夫慚芋火一春消息誤蘭風胡盧畢竟還依
樣自悔年年畫未工
歸輶南去散如雲伴我清寥日與君契以無言真菊淡藹然有

味比蘭蕙實初筆格渾難擬白也詩情果不羣豪氣何妨一傾
吐且持杯酒共論文

高才真覺斗難量南阮何曾是酒狂奪席談經無一短挑燈論
史有三長知心幸接東西解抗手時分上下牀情話喃喃風雨
夜興來忘卻在他鄉

故山風物盡情談客裏年華屈指三南岳獻嘲非我願西河留
守更誰堪浮沈人海書何補離別天涯酒不酣雲樹纏綿勞想
望索居况味幾時諳

薛四白都之晉遂將南旋以詩畱別復賦此章答之

故人乘雲來天街縱遐矚掃榻話鄉邑蘭言慰心曲靈襟託听
夕權宴苦不足君身抱仙骨俯仰吐雲濁君才雜仙心離奇駭
凡目茲行人邯鄲孤踪躡仙躅茫茫古人夢還以後人續嗟我

悔餘菴詩稿卷二

二

對歌園

夢中身塵羈久局促軼掌休無時華胥境日暨何如一尊酒狂
吟破蕉鹿君今獨醒者沈酣豈諸俗紅燈照旅壁驅夢飛詩牘
龍蛇幻奇字畱與神仙讀神仙無世情長生亦何樂紅羊散塵
劫松喬相向哭膏肓世不省扶桑變寒燠惟君有同願息影眷
初服渺渺江之陰雲峰古遼綠山禽呼酒來奇花從芳木融風
襲襟帶獨笑抱雲徇惟聞夢香草莫問黃梁熟君歸今有期佳
處仍茅屋溪山我舊遊如何讓君獨

同年生餘杭邵蕙西 勉辰 乞假歸省瀕行索詩得五律

四章

同是天涯客君歸我不歸喚離三載久落拓一官微禁藥隨班
入家山與夢違秋風吹祖帳握手更依依
北來陪鯉對南望念烏慈乞米貧何補離家夢不知愁多惟有

酒興盡欲無詩寸草心常在成名重繫思

當年誇秘閣今日薄聞曹羨爾曾極頂嘆予亦鳳毛頭銜先粉

署骨相稱官袍各有凌雲氣登天敢畏高是春與中正榜者六十人君得首選

客路三千外親年六十餘有家歸亦得相送意何如視草辭華

省看花奉板輿嵇生莫疎懶時事正相於

京師八月十五夜

季鷹歸興滿江東莼菜鱸魚幾度風遠道三千思渺渺清秋一

半去匆匆久離鄉國眠常晚初著朝衣舞未工薇省有緣藏我

拙柳車無計送他窮生涯守黑曾磨鐵夢想飛丹爲點銅牛渚

浮槎須萬里鳳城就屋只三弓春官偃蹇詩難好秋士牢騷酒

易空窺葉風耽家釀綠木樨近憶故山紅蹉跎歲月將愁補迢

遞關河與夢通天上乘雲歸去便家中看月想來同柔情締結

幾成蘭氣銷沈尚化虹鴻雁欲來傳信鳥蟾蜍常作寄居蟲

誰憐獻賦金門客自比填詞玉局翁爲語嫦娥莫相笑寂寞還

勝廣寒宮

題友人踏蘆渡江小影二首

學佛無緣且學僧是誰衣鉢與傳燈十年塵夢如流水面壁工

夫我未能

色相誰摹丈六金中流一葦任浮沈達人倘問西來意但說多

情是佛心

題同年生泰興吳和甫存義雜著并引

辛丑中秋後五日佛寮秋寂客齋晝閒因過訪和甫

相與劇談雞窗倒執塵柄磅礴吐濁塵霧自清槎枒

抱奇芒角欲出晨夕過從如吾兩人者希光陰往來

悔餘菴詩稿

蓋已三年於此於時狹坐破寂狂呼買春清酒爲歡

此樂何極奇文共賞昔人所難既覽詩詞復挹文翰

塵埃徐庾凌轢蘇辛燒鼎已丹唾壺欲探驅得之

領下窺豹何止管中微斯人吾誰與歸得知已可以

不恨佩此三絕弁之一章靈均鑿空之辭聊復爾爾

昌谷絕幽之作不盡云云

瓊島秋高煙珮響清淺蓬萊打孤檣丁酉同年生以戊戌登金

碧玲瓏十二樓當樓攀出仙人掌掌中遺我雙明珠招我去讀

瑯嬛書人間奇字識不盡欲往從之心踟躕來入西清即以後

瑤三叩扶雲搖曳踏風緊鳳吹前頭整相引弄玉飛瓊呼姓名

雙鳧一落羣仙晒予每遇君問聲即知見面仙人峨髻芙蓉裳

古淡不隨時世妝續繡綠簡出金薤蕊珠亂遊瑤草香一斛澆

書元碧酒金菜玉蔬非世有君醉我必市脯九華燈火搖天紅

無痕清餘古雪東山骨淡入流雲扶月魂嬌娥杵月玻璃碎金

粟零星灑鶴背多託之遊仙將星補月月不收帝女黃姑自成

配君時有買珠之議劫運作寸中有絲絲短不如連理枝夢想

麻姑背猶癢沈吟汝妃心已癡情緣不許登仙續天上高寒抱

雲宿君食與子等奉板輿竟鹿車向不可得花漏深沈送我歸

夢中猶復喃喃讀

和甫以紙索書前詩卷尾題三絕補空

才調驚人說鬼仙西崑風格亦翩翩千花顏色千花樣開向春

風一例妍
難得天生好女兒淡妝濃抹想西施不須偷寫初三月橫掃蛾

悔餘菴詩稿卷二

牛飲圖

眉也入時

翦翦輕綃薄薄羅便將寒相笑貧婆寶山自有金如粟十斛明珠未覺多

送同年生何子永慎修乞假歸省四首

鳳皇池上領清班幽序居然大小山水部傳家詩句老參軍傲俗語聲蠻才情直與波同瀾談笑能令石不頑客裏心交最難得今朝無奈送君還

同是江南嫌故人無端懷刺踏京塵東方跌宕誰容傲南阮疎狂只合貧燕草久迷歸去路江花欲減夢中春從君一吐青雲氣始信文章尙有神

侏儒乞米滿長安刺與冰銜署冷官懷璧已經三獻璞點金未得九還丹雲天有路逢山遠澤國無租菽水難久別鄉關歸亦

梅儵庵詩稿卷二

王

牛歌圖藏書

好吹笙重爲譜陳蘭

又是天涯惜別時一秋常作贈行詩客中送客於今慣名下求名自古遲夢駕終存千里願趨庭好慰二人思神仙忠孝須修到說向人前莫笑癡

題同年生臨桂龍翰臣啟瑞雜體詩稿

嶺嶺桂嶺岩嶢峰中有靈氣茫無踪邇來神秀將誰鍾龍君英特人中雄文之麟鳳詩之龍手持百尺青梧桐裁琴奏之明光宮元音洞霄天改容嵯峨闔闔開瞳矐乘雲飛去摩青穹陸離星斗羅心胸仙心仙筆相玲瓏正如游絲垂春風絲絲曼入微茫中又如春露香濛濛餘香一散千花紅有時姿態殊纖穠美人初卷眞珠櫳有時意氣飛長虹將軍霹靂鳴瑯弓有時劍佩聲和離禹皋絺繡襲笙鏞有時古逸希黃農嬌笙義瑟伶倫備

有時疎野無羈籠盧人漁子橫孤蓬上躡少陵攀正宗近支直接李崆峒鎖鑰不傳門徑通天衣自織無須縫是有天巧非人功三千霄羽諧且工從君一洗筆瑟空憶昔左掖承清丰囊詩橐筆陪歡欣驚猶玉石相磨礪君今矯翼扶桑東我亦有羽何遽德君翔我翥還相逢願爲落落無庸庸願君爲麻我爲蓬願我爲鳥君爲松後來風概何人同唐之梁公宋沂公古賢先路君其從抱才要使垂無窮勿爲揚子嗤雕蟲

書昌谷集後四章

天矯赤虬子飛下天之衢帝成白玉樓手板來傳呼始知天上人不讀人間書神仙不可學學之使人愚含冲抱元寂坐令神智枯班班香案吏中有才人無

才人必生天淵雲在何許況聞長庚星騎鯨歸紫府璀璨夢中

梅儵庵詩稿卷二

六

牛歌圖藏書

筆豈無一花吐仙才不如鬼何不學鬼語茫茫造化功留與後來補捉筆蘸天池墨花散秋雨

長吉善歌詩作記非其才文章蛇仙骨或者新胚胎咄哉叶律郎上界何官階天上葬神仙不知今幾回罡風掃河漢下有昆明灰何不乞長壽還向人間來

天上無藍田如何種白玉帝居何有樓何土亦何木神靈葆清虛何爲侈華繹我欲古仙人燒永傳丹籙踏天割雲根鱗鱗鑄金屋今朝望月圓但見秋雲綠

送龍九啓瑞乞假之武陵官署省視四首

鴛行同上鳳皇池猶記聯翩入直時翰墨因緣三月共雲泥境地兩人差龍頭戲語眞成識龍背清才不愧詩誇說春來好顏色百花爭讓紫微枝是科同取中書省中是十八人九得餘選

和羹端正鼎能調要與梅花解寂寞已奪露標驚月地好留風
概薄雲霄人間福慧修難到天上神仙望已遙從此胸中無磊
塊狀元兩字可曾消

從君鼓瑟我吹笙客路知音倍有情三葉沈酣欺酒戶萬花飛
舞擁詩城圖中蛺蝶偷新譜曲裏櫻桃記小名裙屐風流無俗
相正堪把袂話生平

秋風策策送歸轡想到萊衣舞欲頤東海門櫓宜駟馬西清侍
從已貂蟬香添蘭草同徵夢笑看桃花不羨仙怪我迷津何處
問春來要覓武陵船

題涇縣吳小舟年丈賞雨茅屋圖四首

纔聞好鳥喚提壺一一春山又鷓鴣尊酒未空人未醉不妨聽
到雨聲無

悔餘菴詩稿卷一

七

牛歌園
蘇書

風吹不斷響瀟瀟來與詩人破寂寥我亦結茅山裏住繞籬喜
種綠色蕉

妍紅未瘦綠猶肥三徑泥香燕不飛領取明朝好春色杏花須
買一枝歸

柳絲花片竹陰中漠漠新煙翳翳風知道吟懷比春好要拈佳
句補司空

題同年生吳少眉問天圖

鍾奇

少眉舉酒呼酒徒酒酣耳熱聲烏烏奇情填臆不我語近乃示
我問天圖我知此圖有深意儵然筆墨非遊戲當時屈子離騷
經阿壁蒼茫天亦忌吾儕行樂恣談笑樹蕙滋蘭豈同調不如
太白落雁峰搔首高吟懷謝眺願君努力愛少年勿爲屈子爲
青蓮祇今未奏清平樂且向長安對酒眠

吳大崇雲帆濟滄海圖

我昔乘海槎欲上蓬萊峰天風忽引去誤入牛女宮天孫遣我
支機石笑語黃姑款生客低頭卻指三神山但見濛濛雲氣白
虛無宮闕金銀臺下有弱水空濛洞身無羽翼不飛度世人謂
我非仙才東方肯受羣兒笑鶴骨嶙峋自成傲今我已從天上
來那信飛仙修不到少錢洗髓滿塵凡靈符偷誦聲喃喃呼來
一片雲裁爲千尺帆君但揚帆君莫誤徑欲乘風向何處憶得
同時學道人獨立瀛洲久延並玻璃水瓊瑤路我來鼓棹送君
去天上神仙本無數

送吳少錢兄弟南旋二首

君家好兄弟同我客長安意氣各年少笑談常夜闌但逢花窟
暖不放酒杯乾三日必相見別離方覺難

悔餘菴詩稿卷一

八

牛歌園
蘇書

閒曹無一事時爲送人忙歸路及秋盡離人知夜長雪花寒漸
灑雲樹遠蒼茫安得兩黃鵠乘風相頡頏

題勞宜生雨霽看山圖四首

崇煥

昔我舊遊處芙蓉三十三祇今聽雨夜猶復夢江南
一雨送涼意四山無俗塵自然清到骨秋色好于春

倩石君於柴懶雲頽欲眠風光隨處有不用買山錢
平生幾兩屐復此一間樓蹀躞不歸去西湖空自秋

和袁厚菴同年紀夢原韻

不曾離別已相思記否重簾未捲時楊柳三眠端是病櫻桃一
笑分應癡化爲蛺蝶飛難去夢到鴛鴦醒要遲待向東皇乞如
願辦香私自撰詩詞

題厚菴蒲團坐雪圖

咄爾何人人幻爾真以定中定爲身外身蒲團一個得著便坐
不得不坐幾時坐破佛在坐處但坐莫卧行處立處有佛莫顧
何處有佛如佛所云卽空卽色卽佛卽心心一心一佛佛一佛
千片萬片只一片雪未有雪時是何世界既有雪時本來何在
不問本來但問當下有雪無雪誰使雪者此雪中人又何處來
春風無言梅花自開

辛丑冬十一月初九日招吳清如嘉金前輩同年生吳和甫存義馬穀生振儒袁厚安頌慈吳淮尊其相黃采丞桐

消寒於一粟齋中分題四首

風帽

莫以冬烘笑主司我今頭腦亦如之何年驢背衝寒去逢著梅
花插幾枝

梅集詩稿卷一

九

辛丑冬

風門

了鳥丁冬掩復開消寒一室勝樓臺臣心眞個清如水此外從
無熱客來

風爐

煨芋功名未可期畫灰詩句正相宜煎茶漫說樵青好我有封
家十八姨

風燈

形影相依歲月深往來寒夜重招尋照人古道如君少多謝光
明一寸心

厚安以所和清如前輩詩見示因次其韻日前厚安攜拙稿去爲芸佩夫人所賞並以爲謝

維摩居士禪心堅祇有散花人比肩蒲團分坐足清供不合破

戒求肥厚安欲賦小屋而有三年之學佛要須見佛性綺語可參篇外篇六時夢想念游戲化身不億猶能千迴旋慧弄仙語蓮花對吐青如煙色香世界一粒粟兩兩法輪隨磨旋青鴛飛來聽粥鼓歡喜饌我伊蒲筵我今行腳下靈鷲一入塵海茫無邊眼前彌勒未生世三五阿婆方少年平生有願住香國舍衛得金當鑄錢厚安與子時有辟支因果各未了當下不識何人賢敢將世法說平等象王搏兔獅垂涎清如前輩原閣黎飽吃十方供煨芋懶殘饑火煎安能慈悲與煩惱一切懺悔消前愆金剛誓目怪饒舌低眉菩薩仍相憐但持半偈以心印又得拈花一笑妍

題同年生王伯陶言端竹樓聽雨圖

廣廈千百間此願苦難足歲暮客長安枯坐做椽屋間庭相隙

梅集詩稿卷一

十

辛丑冬

地頗可種修竹濛濛塵土中那得萬竿綠一日無此君使我三年俗君愛黃岡遊選勝騁幽躅月波樓外樓風雅竟誰屬人傳太守名名與此樓獨樓頭一片瓦愛惜比蒼玉騷人歌嘯地臺榭亦有福自君趨庭來時復登樓讀詩韻正清絕卻與雨聲續但聞風泠泠危檐飛瀑鳴琴欲寫之高渺不成曲何來繪聲手收以一尺幅極似東坡亭淋漓染墨胸中抱槎枒觀此倍振觸我欲江南行不願黃州宿故山佳勝處亦有負簪谷春來新雨肥矮笋正堪束微參玉版禪勝喫花豬肉舊日讀書樓猶在山之麓

厚安同年續消寒第二集同人用東坡江上值雪韻因效集中游白水山宿蟠龍寺諸體爲之

功名不用鑽靈龜命宮緣曲誰能知北門雖寬耐交謫南郭不